



Arkivsaksnr: 2022/4877-0

Sakshandsamar: Tor Arne Hauge

Dato: 09.06.2022

Utval	Utvalssak	Møtedato
Jostedalsbreen nasjonalparkstyre	18/22	20.06.2022

Klage på vedtak - Jostedalsbreen nasjonalpark - Kattanakken - Skilting og sikringstiltak på sti

Vedlegg:

- 1 Klage på utvalssak 14/22 Jostedalsbreen nasjonalparkstyre.
- 2 Klage på vedtak 14 -22
- 3 Jostedalsbreen nasjonalparkstyre - Kattanakken - Skilting og sikringstiltak på sti

Innstilling frå forvaltar

Jostedalsbreen nasjonalparkstyre tek klaga frå Oldedalen utviklingslag, datert 18.05.2022, til følge og gjer følgjande vedtak:

Jostedalsbreen nasjonalparkstyre gjer, med heimel i verneforskrift for Jostedalsbreen nasjonalpark kap. IV punkt 1.3, 4.strekpunkt, følgjande vedtak:

Jostedalsbreen nasjonalparkstyre får dispensasjon til følgjande sikringstiltak på den eksisterande stien til Kattanakken i Oldedalen:

- Etablering av fysisk sikring, i form av wire festa med boreboltar i fjell/stein, på to stader langs den eksisterande stien
- Etablering av små vegvisarvardar langs øvre del av stien, ovanfor Sauskorholten
- Setje opp eit informasjonsskilt ved Sauskorholten
- Rydde og ta ned rasstein og legge til rette ny sti gjennom steinraset nedanfor Sauskorholten

Dispensasjonen vert gjeve på følgjande vilkår:

- Nøyaktig plassering av boltar og wire skal avklarast på staden i samråd med representant frå Statens naturoppsyn
- Boring og oppsetjing av wire skal utførast av Statens naturoppsyn
- Utforming og plassering av informasjonsskilt skal drøftast med Oldedalen utviklingslag
- Alle tiltak skal utførast så skånsamt som mogeleg for omgjevnadane og naturverdiane i området
- Jostedalsbreen nasjonalparkforvaltning vert eigar av sikringstiltaka og dermed ansvarleg for ettersyn og vedlikehald av sikringstiltaka
- Plassering av dei ulike tiltaka er vist i kart (figur 2) i saksutgreiinga til sak 14/22
- Sikringstiltaka skal gjennomførast innan 1.november 2022.



Saksprotokoll i Jostedalsbreen nasjonalparkstyre - 20.06.2022

Handsaming i møte

Vedtak i samsvar med innstilling frå forvaltar.

Vedtak

Jostedalsbreen nasjonalparkstyre tek klaga frå Oldedalen utviklingslag, datert 18.05.2022, til følge og gjer følgjande vedtak:

Jostedalsbreen nasjonalparkstyre gjer, med heimel i verneforskrift for Jostedalsbreen nasjonalpark kap. IV punkt 1.3, 4.strekpunkt, følgjande vedtak:

Jostedalsbreen nasjonalparkstyre får dispensasjon til følgjande sikringstiltak på den eksisterande stien til Kattanakken i Oldedalen:

- Etablering av fysisk sikring, i form av wire festa med boreboltar i fjell/stein, på to stader langs den eksisterande stien
- Etablering av små vegvisarvardar langs øvre del av stien, ovanfor Sauskorholten
- Setje opp eit informasjonsskilt ved Sauskorholten
- Rydde og ta ned rasstein og legge til rette ny sti gjennom steinraset nedanfor Sauskorholten

Dispensasjonen vert gjeve på følgjande vilkår:

- Nøyaktig plassering av boltar og wire skal avklarast på staden i samråd med representant frå Statens naturoppsyn
- Boring og oppsetjing av wire skal utførast av Statens naturoppsyn
- Utforming og plassering av informasjonsskilt skal drøftast med Oldedalen utviklingslag
- Alle tiltak skal utførast så skånsamt som mogeleg for omgjevnadane og naturverdiane i området
- Jostedalsbreen nasjonalparkforvaltning vert eigar av sikringstiltaka og dermed ansvarleg for ettersyn og vedlikehald av sikringstiltaka
- Plassering av dei ulike tiltaka er vist i kart (figur 2) i saksutgreiinga til sak 14/22
- Sikringstiltaka skal gjennomførast innan 1.november 2022.

Saksopplysningar

Oldedalen utviklingslag har klaga på ordlyden i vedtaket Jostedalsbreen nasjonalparkstyre gjorde i styresak 14/22 *Jostedalsbreen nasjonalparkstyre - Kattanakken – Skilting og sikringstiltak på sti.*

Nasjonalparkstyret gjorde då fylgjande samrøystes vedtak i styresak 14/22:



Jostedalsbreen nasjonalparkstyre gjer, med heimel i verneforskrift for Jostedalsbreen nasjonalpark kap. IV punkt 1.3, 4.strekpunkt, følgjande vedtak:

Oldedalen utviklingslag får dispensasjon til følgjande sikringstiltak på den eksisterande stien til Kattanakken i Oldedalen:

- *Etablering av fysisk sikring, i form av wire festa med boreboltar i fjell/stein, på to stader langs den eksisterande stien*
- *Etablering av små vegvisarvardar langs øvre del av stien, ovanfor Sauskorholten*
- *Setje opp eit informasjonsskilt ved Sauskorholten*
- *Rydde og ta ned rasstein og legge til rette ny sti gjennom steinraset nedanfor Sauskorholten*

Dispensasjonen vert gjeve på følgjande vilkår:

- *Nøyaktig plassering av boltar og wire skal avklarast på staden i samråd med representant frå Statens naturoppsyn*
- *Boring og oppsetjing av wire skal utførast av Statens naturoppsyn i nært samarbeid med Oldedalen utviklingslag*
- *Utforming og plassering av informasjonsskilt skal godkjennast av sekretariatet i Jostedalsbreen nasjonalparkstyre*
- *Alle tiltak skal utførast så skånsamt som mogeleg for omgjevnadane og naturverdiane i området*
- *Det er ein føresetnad at Oldedalen utviklingslag vert eigar av sikringstiltaka og dermed ansvarleg for ettersyn og vedlikehald av sikringstiltaka*
- *Plassering av dei ulike tiltaka er vist i kart (figur 2) i saksutgreiinga.*
- *Sikringstiltaka skal gjennomførast innan 1.november 2022.*

Tidlegare leiar i Oldedalen utviklingslag Jon Olav Kvamme tok telefonisk kontakt med sakshandsamar for å varsle at Oldedalen utviklingslag hadde motteke vedtaksbrev og var usikre på om dei kunne ta på seg ansvaret som vedtaket la opp til. Det var i første rekkje det tredje siste vilkåret i løyvet som det vart reagert på:

«- Det er ein føresetnad at Oldedalen utviklingslag vert eigar av sikringstiltaka og dermed ansvarleg for ettersyn og vedlikehald av sikringstiltaka»

Utviklingslaget ville drøfte saka på sitt neste styremøte. Nasjonalparkforvaltar gav uttrykk for at dersom utviklingslaget ikkje ville/kunne ta på seg ansvaret som det var lagt opp til i vedtaket, så burde dei sende ein klage på vedtaket, slik at nasjonalparkstyret i neste møte kunne vurdere vedtaket og vilkåra på nytt.

Oldedalen utviklingslag sendte 21.05.2022 inn klage på vedtak gjort i styresak 14/22 i Jostedalsbreen nasjonalparkstyre. I klagen peikar dei på at det er positivt at nasjonalparkstyret har gjort vedtak om utbetring og sikring, i tillegg til skilting. Oldedalen utviklingslaget er likevel tydeleg på at dei i vedtaket er tillagt for mykje arbeid og ansvar. Utviklingslaget er eit dugnadsbasert lag som korkje har kapasitet eller kompetanse til å ta på seg eit slikt arbeid. Dei kan heller ikkje ha det juridiske ansvaret som kan følgje med. Utviklingslaget kan likevel vere hjelpsame med å melde frå til nasjonalparkforvaltninga når dei oppdagar, eller får melding om feil eller skadar på tiltak som er utført.

Nasjonalparkforvaltninga har i sin tiltaksplan for 2022 sett av kr 50 000,- til skilting og sikring Kattanakken.



Vurdering

Det som skal vurderast i denne klagesaka er berre eigarskap og ansvar for eventuelle sikringstiltak på Kattanakkstien. Endra eigarskap og ansvar for sikringstiltaka er ikkje noko som påverkar dei konkrete fysiske tiltak som det er gjeve løyve til i styresak 14/22. Det betyr at vurderingane etter verneforskrifta punkt 1.3 og naturmangfaldslova §§ 8-12, som er gjort i styresak 14/22, står ved lag og er gjeldande også i denne saka.

Generelt sett så er vi i miljøforvaltninga forsiktige med å gjere tiltak for tilrettelegging og sikring utan å ha avtale med andre aktørar om drift og ettersyn av tiltaket. Oldedalen utviklingslag har saman med lokalt næringsliv i Oldedalen vore initiativtakar til og pressa på for å få til sikringstiltak på Kattanakkstien. Difor vart det i denne saka frå sakshandsamar føreslått at Oldedalen utviklingslag skulle ta eigaransvar for dei sikringstiltaka som eventuelt vart etablert på Kattanakkstien. Forvaltar ser i ettertid at formuleringane i framlegget til vedtak i styresak 14/22 burde ha vore nærare avklara med Oldedalen utviklingslag, helst gjennom ein skriftleg avtale, før det vart lagt fram for nasjonalparkstyret til handsaming.

Når Oldedalen utviklingslag ikkje ønskjer å ta på seg eigarskapet og ansvaret for sikringstiltaka, betyr det at andre må gjere det, eller at sikringstiltaka ikkje kan utførast. Utviklingslaget meiner at det er nasjonalparkstyret sitt ansvar å gjennomføre tiltaka.

Forvaltarane var sommaren 2021 på synfaring saman med SNO og representant for Oldedalen utviklingslag der aktuelle sikringstiltak vart vurdert. Konklusjonen etter synfaringa var at nokre mindre sikringstiltak bør gjerast. Jostedalsbreen nasjonalparkstyret sette av kr 50 000,- på tiltaksplanen for 2022 til utføring av desse tiltaka.

Dersom nasjonalparkstyret tek på seg eigarskapet og ansvaret for sikringstiltaka på stien må nasjonalparkstyret syte for at dei etablerte sikringstiltaka heile tida er i god stand, slik at ikkje det skjer uhell knytt til bruken av desse. Oldedalen utviklingslag har sagt seg villig til å vere hjelpsame og melde i frå om dei oppdagar skadar og manglar på sikringstiltaka.

Nasjonalparkforvaltar tilrår at Jostedalsbreen nasjonalparkstyret tek på seg eigarskap og ansvaret for desse mindre sikringstiltaka på stien til Kattanakken.